

前
汉
书

韋賢傳第四十三

漢書七十二

正議大夫行祕書少監琅邪縣開國子顏師古注

韋賢字長孺魯國鄒人也其先韋孟家本彭城為楚元王傅傅子

夷王及孫王戊師古曰官為楚王傳而歷相三王也戊荒淫不遵道孟作詩風諫後遂去

位徙家於鄒又作一篇其諫詩曰肅肅我祖國自豕韋應劭曰在商補為豕韋氏也

衣朱紱四牡龍旂師古曰黼衣畫為斧形而白與黑為彩也朱紱為朱裳畫為亞文也亞古弗字也故因謂之紱字又作黻其音同聲彤弓斯

征撫寧遐荒師古曰言受彤弓之賜於此得專征伐也總齊羣邦曰翼大商師古曰翼佐助也迭彼大彭

勳績惟光應劭曰國語曰大彭豕韋為商伯師古曰迭互也自言豕韋氏與大彭互為伯於殷商也迭音徒結反至于有周歷世會同

預盟會之事也王報聽譖寔絕我邦應劭曰王報周末王聽譖受譖絕豕韋氏也我邦既絕厥政

斯逸應劭曰言自絕豕韋氏之後政教逸漏不由王者也臣贊曰逸放也管仲曰令而不行謂之放師古曰贊說是也賞罰之行非繇王室

與由同也師古曰繇與由同也庶尹羣后靡扶靡衛五服崩離宗周曰隊應劭曰五服謂甸服侯服綏服要服荒服也師

古曰庶尹衆官之長也羣后諸侯也隊失也音直類反我祖斯微畧于彭城師古曰言我之先祖於此遂微也畧古遷字其下並同在予小

子勤諛厥生

師古曰諛歎聲音許其反

阼此嫚秦耒耜曰耕

師古曰言遭秦暴嫚無有列位躬耕於野

悠悠嫚秦

上天不盜迺眷南顧授漢于京

師古曰高祖起在豐沛於秦為南故曰南顧言以秦之京邑授與漢也

於赫有漢

四方是征

師古曰於讀曰易鳥歎辭也赫明貌凡此詩中諸歎辭稱於者其音皆同

靡適不懷萬國同平

師古曰懷思也來也適古攸字

攸所也言漢兵所往之處人皆思附而來萬國所以平也

迺命厥弟建侯於楚俾我小臣惟傳是輔競

競元王恭儉淨壹

師古曰競競謹戒也

惠此黎民納彼輔弼饗國漸世垂烈于

後

師古曰元王立二十三年而薨垂遺業於後嗣也

迺及夷王克奉厥緒咨命不永唯王統祀

師古

曰咨嗟也永長也夷王立四年薨戊乃嗣位故言不永也

左右陪臣此惟皇士

師古曰爾雅云皇正也

如何我王不思守

保不惟履冰已繼祖考

師古曰惟亦思也言不思念敬慎如履薄冰之義用繼其祖考之業也

邦事是廢逸游是

娛犬馬繇繇是放是驅

師古曰繇與悠同悠悠也貌放放犬也驅驅馬也

務彼鳥獸忽此稼苗烝

民已置我王已媮

師古曰媮與愉同樂也言衆人失此稼穡以致困匱而王反以為樂也

所弘非德所親非俊

唯囿是恢唯諛是信

師古曰恢大也諛諛言也

諭諭諂夫号号黃髮

如淳曰諭諭自媚貌也師古曰号号直言也諭

音踰号音五各反

如何我王曾不是察既藐下臣追欲從逸

應劭曰藐遠也言疏遠忠賢之輔追情欲從逸

遊也臣瓚曰藐陵藐也師古曰藐與邈同應說是也下臣孟自謂也從讀曰縱嫚彼顯祖輕茲削黜嗟嗟我王漢之睦

親師古曰睦密也言服屬近曾不夙夜曰休令聞師古曰休美也令善也聞聲名也穆穆天子臨爾下土

明明羣司執憲靡顧師古曰靡無也言執天子之法無所顧望也顧讀如古協韻正遐繇近殆其怙茲師古曰

曰言欲正遠人先從近始而王怙恃與漢戚屬不自易慎以致危殆也繇讀與由同嗟嗟我王曷不此思非思非鑒嗣其

罔則師古曰不思鑒戒之義是令後嗣無所法則也彌彌其失岌岌其國應劭曰彌彌猶稍稍也罪過茲甚也岌岌欲毀壞也師古曰岌岌危

動貌音五合反致冰匪霜致隊靡嫚瞻惟我王昔靡不練師古曰言堅冰之成起於微霜隕隊之咎由於怠慢

也練猶閱歷之言往昔之事皆在王心無所不閱也興國救顛孰違悔過追思黃髮秦繆曰霸師古曰言興復

邦國救止顛隊之道無如能自悔其過惡秦繆公伐鄭為晉所敗而歸適作秦誓曰雖則員然倘猶詢茲黃髮則罔所愆謂雖有員然之失庶幾以道謀於黃髮之賢則行無所過矣黃髮老壽之人也謂髮落更生

黃者也員與云同歲月其徂年其逮耆師古曰逮及也耆者老人面色如垢也言歲月驟往年將及耆不可殆忽於昔君

子庶顯于後師古曰於歎辭也言昔之君子庶幾善道所以能光顯於後世也我王如何曾不斯覽師古曰覽視也叶韻音濫

黃髮不近胡不時監師古曰黃髮不近者斥遠耆老之人也近音其靳反其在鄒詩曰微微小子既

耆且陋師古曰自言年老材質鄙陋也豈不牽位穢我王朝應劭曰言豈不戀此爵位乎以王朝汙穢不肅清故也師古曰此說非也恐已

穢王朝所以去耳故王朝肅清唯俊之庭顧瞻余躬懼穢此征李奇曰於此便行也師古曰此

皆孟已去遜辭不我之退征請于天子天子我恤矜我髮齒赫赫天子

明慙且仁懸車之義以縣車之義及我也師古曰泊音鉅與反嗟我

小子豈不懷土庶我王寤越遷于魯應劭曰言豈不懷土乎庶幾王之寤既去

禰祖惟懷惟顧師古曰父廟曰禰言去其父祖舊居所以懷顧也禰音迺禮反祁祁我徒戴負盈路師古曰祁祁衆貌一曰祁

祁徐行也徒謂學徒也爰戾于鄒鬻茅作堂師古曰戾至也鬻字與剪同我徒我環築室于

墻師古曰墻環遶也我既畧逝心存我舊夢我漬土立于王朝應劭曰漬上孟所居彭城東里名也猶不忘本也

其夢如何夢爭王室其爭如何夢王我弼師古曰弼戾也言夢爭王寤其

外邦歎其喟然師古曰夢在王朝及寐之寤乃在鄒也寤覺也喟音亡位反覺音工效反念我祖考泣涕其漣師古

曰漣漣泣下貌音連微微老夫咨既遷絕師古曰咨嗟也絕謂與舊居絕也洋洋仲尼視我遺烈師古

曰洋洋美盛也烈業也視讀曰示孔子濟濟鄒魯禮義唯恭誦習弦歌于異他

邦師古曰言禮樂之教不同餘土也我雖鄙耆心其好而我徒侃爾樂亦在而師古曰而者句絕之辭侃

和樂貌音
口旦反

孟卒于鄒或曰其子孫好事述先人之志而作是詩也自

孟至賢五世賢為人質朴少欲篤志於學師古曰篤厚也兼通禮尙書曰詩

教授號稱鄒魯大儒徵爲博士給事中進授昭帝詩稍遷光祿大

夫詹事至大鴻臚昭帝崩無嗣大將軍霍光與公卿共尊立孝宣

帝帝初卽位賢曰與謀議安宗廟賜爵關內侯食邑師古曰與讀曰豫徙爲

長信少府師古曰長信者太后宮名爲太后官屬也曰先帝師甚見尊重本始三年代蔡義爲

丞相封扶陽侯孟康曰屬沛郡食邑七百戶時賢七十餘爲相五歲地節三

年呂老病乞骸骨賜黃金百斤罷歸加賜弟一區丞相致仕自賢

始年八十二薨諡曰節侯賢四子長子方山爲高寢令早終次子

弘至東海太守次子舜畱魯守墳墓少子玄成復曰明經歷位至

丞相故鄒魯諺曰遺子黃金滿籬不如一經如淳曰籬竹器受三四斗今陳畱俗有此器蔡謨曰滿籬者言

其多耳非器名也若論陳畱之俗則我陳畱人不聞有此器師古曰許慎說文解字云籬等也
楊雄方言云陳楚宋魏之間謂簞爲籬然則筐籠之屬是也今書本籬字或作盈又是盈滿之義

蓋兩通也

玄成字少翁曰父任爲郎常侍騎少好學修父業尤謙遜下士師古曰

曰下音胡亞反

出遇知識步行輒下從者與載送之師古曰輟從者之車馬也曰爲常其接人

貧賤者益加敬繇是名譽曰廣師古曰繇與由同曰明經擢爲諫大夫遷大

河都尉

服虔曰今東平郡也本爲濟東國後王國除爲大河郡

初玄成兄弘爲大常丞職奉宗廟典諸

陵邑煩劇多罪過父賢曰弘當爲嗣故敕令自免師古曰恐其有異見黜妨爲繼嗣故令以病去官也

弘懷謙不去官師古曰謂若欲代父爲侯故避嫌不肯也及賢病篤弘竟坐宗廟事繫獄罪未

決室家問賢當爲後者賢恚恨不肯言於是賢門下生博士義倩

等與宗家計議師古曰博士姓義名倩也宗家賢之同族也倩音千見反其矯賢令師古曰矯託也使家丞上書

言大行師古曰爲文書於大行以言其事也曰大河都尉玄成爲後賢薨玄成在官聞喪

又言當爲嗣玄成深知其非賢雅意卽陽爲病狂卧便利妄笑語

昏亂

師古曰便利大小便徵至長安旣葬當襲爵曰病狂不應召大鴻臚奉狀

章下丞相御史案驗玄成素有名聲士大夫多疑其欲讓爵辟兄

者

師古曰辟讀曰避

案事丞相史迺與玄成書

師古曰卽案驗玄成事者

曰古之辭讓必有文

義可觀故能垂榮於後今子獨壞容貌蒙恥辱爲狂癡光曜晦而

不宣

師古曰晦讀與暗同

微哉子之所託名也

李奇曰名聲名也

僕素愚陋過爲宰相執

事

師古曰過猶謬也

願少聞風聲不然恐子傷高而僕爲小人也玄成友人

侍郎章亦上疏言聖王貴呂禮讓爲國宜優養玄成勿枉其志

師古

曰枉

使得自安衡門之下

師古曰衡門謂橫一木於門上貧者之所居也

而丞相御史遂呂玄成實

不病劾奏之有詔勿劾引拜玄成不得已受爵宣帝高其節呂玄

成爲河南太守兄弘太山都尉遷東海太守數歲玄成徵爲未央

衛尉遷太常坐與故平通侯楊惲厚善惲誅黨友皆免官後呂列

侯侍祀孝惠廟當晨入廟天雨淖

師古曰淖泥也音女教反

不駕駟馬車而騎至廟

下有司劾奏等輩數人皆削爵爲關內侯玄成自傷貶黜父爵歎

曰吾何面目已奉祭祀作詩自効責曰赫矣我祖侯于豕韋賜命

建伯有殷曰綏師古曰建立也立為伯也綏安也以此伯故天下安也厥績既昭車服有常朝宗商

邑四牡翔翔師古曰翔翔安舒貌德之令顯慶流于裔宗周至漢羣后歷世應

曰歷世有爵位肅肅楚傳輔翼元夷師古曰元王夷王也厥駟有庸惟慎惟祗孟康曰駟駟馬也尚書車服以

庸庸功也師古曰庸亦常也即上車服有常同義也祗敬也嗣王孔佚越遷于鄒師古曰孔甚也佚與逸同五世壙僚至我

節侯應劭曰自孟至賢五世無官壙空也惟我節侯顯德遐聞師古曰聞合韻音問左右昭宣五品已

訓師古曰左右助也言為相也五品五教也訓理也左讀曰佐右讀曰佑既考致位惟懿惟奭師古曰言以年致仕也懿美也奭盛也厥賜

祁祁百金泊館師古曰祁祁行來貌泊及也國彼扶陽在京之東惟帝是畱政謀是

從繹繹六轡是列是理師古曰繹繹和調之貌威儀濟濟朝享天子天子穆穆是

宗是師師古曰穆穆天子之容也宗尊也言天子尊之以為師四方遐爾觀國之輝師古曰輝輝光也茅土之繼在

我俊兄惟我俊兄是讓是形師古曰形見也言其謙讓志節顯見也於休厥德於赫有聲師古

曰於皆歎辭也休美也致我小子越畱於京師古曰言致爵位於己身而畱在京師豫朝請惟我小子不肅會同

師古曰：肅敬也。嬭，彼車服黜此附庸。師古曰：嬭，古惰字也。削爵為關內侯，赫赫顯爵，自

我隊之微微附庸，自我招之，誰能忍媿寄之？我顏誰將，遐征從之。

夷蠻。師古曰：言己恥辱之甚，無所自措，故曰誰有能忍媿者以我顏。寄之，誰欲遠行去者，當與相從，適於蠻夷，不能見朝廷之士也。於赫三事，匪俊匪

作，於蔑小子，終焉其度。師古曰：於，歎辭也。三事，三公之位也。度，居也。言三公顯職，以賢

誰謂華高企其齊，而誰謂德難厲其庶而。師古曰：華，華山也。華山雖高企仰，則能齊觀道德，不易克厲然庶幾

可及。嗟我小子，于貳其尤。師古曰：于，往也。尤，過也。自戒云：今以往勿貳其過。一曰貳，不一也。言心不專一，致此過也。隊彼令聲

申此擇辭。師古曰：令，善也。擇，可擇之辭。一曰擇，謂創也。四方羣后，我監我視，威儀車服，唯肅是

履。師古曰：戒他人。初宣帝寵姬張婕妤，好男淮陽憲王，好政事，通法律，上奇其

材，有意欲已為嗣，然用太子起於細微，又早失母，故不忍也。久之

上欲感風憲王，輔已禮讓之臣。師古曰：風，讀曰諷。迺召拜玄成為淮陽中尉

是時王未就國，玄成受詔與太子太傅蕭望之及五經諸儒雜論

同異於石渠閣，條奏其對。及元帝即位，已玄成為少府，遷太子太

傳至御史大夫永光中代于定國為丞相貶黜十年之間遂繼父

相位封侯故國榮當世焉玄成復作詩自著復玷缺之難難師古曰玉缺曰

玷復音房目反難古因已戒示子孫曰於肅君子既令厥德師古曰於歎辭也

君子之人皆肅儀服此恭棣棣其則李奇曰善威儀也師古曰詩却栢舟曰威儀咨余

小子既德靡逮師古曰逮及也曾是車服荒嫚已隊師古曰曾之言則也明明天子

俊德烈烈不遂我遺恤我九列師古曰恤安也九列卿之位謂少府我既茲恤惟夙惟夜

師古曰夙早也言畏忌是申供事靡愆師古曰申言自約天子我監登我三

事師古曰監察也三事三公之位謂丞相也顧我傷隊爵復我舊我既此登望我舊階先后茲

度漣漣孔懷應劭曰我既此登為丞相也先后茲度父所在也臣瓚曰案古文宅司直

御事我熙我盛師古曰司直丞相司直也御事治事之吏也羣公百僚我嘉我

慶于異卿士非同我心三事惟難莫我肯矜師古曰言已居尊位懼不克

與我心赫赫三事力雖此畢非吾所度退其罔日師古曰我雖畢力於此昔

我之隊畏不此居

師古曰居合韻言基庶反

今我度茲戚戚其懼

師古曰度亦居也

嗟我後人

命其靡常靖享爾位瞻仰靡荒

師古曰靖謀也享當也言天命無常唯善是祐謀當爾位無荒怠也

慎爾會同

戒爾車服無惰爾儀已保爾域

師古曰嬌亦古情字也域謂封邑也

爾無我視不愼不整

我之此復惟祿之幸

師古曰言我之得復此爵乃蒙天之福幸而遇之爾等不當視效而怠慢也

於戲後人惟肅惟

栗

師古曰於戲讀曰旁乎

無忝顯祖已蕃漢室玄成爲相七年守正持重不及父

賢而文采過之建昭三年薨諡曰共侯初賢已昭帝時徙平陵玄

成別徙杜陵病且死因使者自白曰不勝父子恩願乞骸骨歸葬

父墓上許焉子頃侯寬嗣薨子僖侯育嗣薨子節侯沈嗣自賢傳

國至玄孫迺絕玄成兄高寢令方山子安世歷郡守大鴻臚長樂

衛尉朝廷稱有宰相之器會其病終而東海太守弘子賞亦明詩

哀帝爲定陶王時賞爲太傅哀帝卽位賞已舊恩爲大司馬車騎

將軍列爲三公賜爵關內侯食邑千戶亦年八十餘已壽終宗族

至吏二千石者十餘人初高祖時令諸侯王都皆立太上皇廟至

惠帝尊高帝廟為太祖廟景帝尊孝文廟為太宗廟行所嘗幸郡

國各立太祖太宗廟至宣帝本始二年復尊孝武廟為世宗廟行

所巡狩亦立焉凡祖宗廟在郡國六十八合百六十七所師古曰六十八者郡國之

數也百六十七所宗廟之數也而京師自高祖下至宣帝與太上皇悼皇考各自居陵

旁立廟師古曰悼皇考者宣帝之父即史皇孫并為百七十六又園中各有寢便殿如清曰黃圖高廟有便殿

是中央正殿也師古曰如說非也凡言便殿便室者皆非正大之處寢者陵上正殿若平生露寢矣便殿者寢側之便殿耳日祭於寢月祭於廟時

祭於便殿寢日四上食廟歲二十五祠如清曰月祭朔望加臘為二十五晉灼曰漢儀注宗廟一歲十二祠五月嘗麥

六月七月三伏立秋臘婁又嘗祭八月先夕饋飧皆一太牢酎祭用九太牢十月嘗稻又飲蒸三太牢十月嘗十二月臘二太牢又每月一太牢如閏加一祀與此上十二為二十五祠師古曰晉

說也便殿歲四祠又月一游衣冠而昭靈后武哀王昭哀后孝文太

后孝昭太后衛思后戾太子戾后各有寢園與諸帝合凡三十所

一歲祠上食二萬四千四百五十五用衛士四萬五千一百二十

九人祝宰樂人萬二千一百四十七人養犧牲卒不在數中至元

帝時貢禹奏言古者天子七廟今孝惠孝景廟皆親盡宜毀及郡

國廟不應古禮宜正定天子是其議未及施行而禹卒永光四年

迺下詔先議罷郡國廟曰朕聞明王之御世也遭時爲法因事制

宜師古曰言不必同也往者天下初定遠方未賓因嘗所親呂立宗廟師古曰親謂親臨幸處也

蓋建威銷萌一民之至權也師古曰銷遏逆亂使不得萌生今賴天地之靈宗廟之福

四方同軌蠻貊貢職師古曰同軌言車轍皆同示法制齊也久遵而不定令疏遠卑賤共承

尊祀師古曰其讀曰恭殆非皇天祖宗之意朕甚懼焉傳不云乎吾不與祭

如不祭師古曰論語載孔子之言與讀曰預其與將軍列侯中二千石二千石諸大夫博

士議郎議丞相玄成御史大夫鄭弘太子太傅嚴彭祖少府歐陽

地餘諫大夫尹更始等七十人皆曰臣聞祭非自外至者也繇中

出生於心也師古曰繇讀與由同故唯聖人爲能饗帝孝子爲能饗親師古曰言情禮皆備

立廟京師之居躬親承事四海之內各呂其職來助祭尊親之大

義五帝三王所其不易之道也

師古曰易改也

詩云有來雍雍至止肅肅相

維辟公天子穆穆

師古曰此周頌雍篇禘太祖之詩也雍雍和也肅肅敬也相助也辟百辟卿士也公諸侯也有來而和者至而敬者助王禘祭是百辟諸侯也

天子是時則穆穆然承事也

春秋之義父不祭於支庶之宅君不祭於臣僕之家王

不祭於下土諸侯臣等愚曰為宗廟在郡國宜無修臣請勿復修

奏可因罷昭靈后武哀王昭哀后衛思后戾太子戾后園皆不奉

祠裁置吏卒守焉罷郡國廟後月餘復下詔曰蓋聞明王制禮立

親廟四祖宗之廟萬世不毀所曰明尊祖敬宗著親親也

師古曰著亦明也

朕獲承祖宗之重惟大禮未備戰栗恐懼不敢自顯

師古曰顯與專同

其與

將軍列侯中二千石二千石諸大夫博士議立成等四十四人奏

議曰禮王者始受命諸侯始封之君皆為太祖曰下五廟而迭毀

師古曰迭互也親盡則毀故云迭也音大結反

毀廟之主臧乎太祖五年而再殷祭言壹禘壹祫

也師古曰殷大也禘諦也一一祭之也禘合也禘音大系反禘音洽 祫祭者毀廟與未毀廟之主皆合食於

太祖父為昭子為穆孫復為昭古之正禮也師古曰昭穆者父子易其號序也昭明也穆美也後以晉室諱

昭故學者祭義曰王者禘其祖自出師古曰祖所從出者 曰其祖配之而立四廟

言始受命而王祭天曰其祖配而不為立廟親盡也立親廟四親

親也親盡而迭毀親疏之殺示有終也師古曰殺漸降也音所例反 周之所曰七廟

者曰后稷始封文王武王受命而王是曰三廟不毀與親廟四而

七非有后稷始封文武受命之功者皆當親盡而毀成王成二聖

之業師古曰二聖文王武王也 制禮作樂功德茂盛廟猶不世曰行為諡而已師古曰謂之成

王則是以禮廟在大門之內不敢遠親也 臣愚曰為高帝受師古曰遠離也音于萬反

命定天下宜為帝者太祖之廟世世不毀承後屬盡者宜毀今宗

廟異處昭穆不序宜入就太祖廟而序昭穆如禮太上皇孝惠孝

文孝景廟皆親盡宜毀皇考廟親未盡如故張晏曰悼皇考於元帝祖也 大司馬車

騎將軍許嘉等二十九人曰爲孝文皇帝除誹謗去肉刑躬節儉

不受獻罪人不帑不私其利

師古曰重罪之人不及妻子是不私其利也帑讀與孥同

出美人重絕人

類寶賜長老收恤孤獨德厚侔天地利澤施四海宜爲帝者太宗

之廟廷尉忠曰爲孝武皇帝改正朔易服色攘四夷宜爲世宗之

廟

師古曰忠尹忠也攘卻也

諫大夫尹更始等十八人曰爲皇考廟上序於昭穆非

正禮宜毀於是上重其事

師古曰重難也

依違者一年

師古曰依違者不決也

迺下詔曰蓋

聞王者祖有功而宗有德尊尊之大義也存親廟四親親之至恩

也高皇帝爲天下誅暴除亂受命而帝功莫大焉孝文皇帝國爲

代王諸呂作亂海內搖動然羣臣黎庶靡不壹意北面而歸心猶

謙辭固讓而後卽位削亂秦之迹興三代之風是曰百姓晏然咸

獲嘉福德莫盛焉高皇帝爲漢太祖孝文皇帝爲太宗世世承祀

傳之無窮朕甚樂之孝宣皇帝爲孝昭皇帝後於義壹體

師古曰一體謂俱爲